

**ROSA ANA PRADA QUEIPO, SECRETARIA DO CONCELLO DE AMES NA
PROVINCIA DA CORUÑA**

CERTIFICO: QUE O PLENO DESTE CONCELLO LEVOU A CABO SESIÓN EXTRAORDINARIA DE ORGANIZACIÓN O DÍA 10 DE XULLO DE 2015. DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN EXTRAORDINARIA DE ORGANIZACIÓN LEVADA A CABO
POLO PLENO DO CONCELLO O DÍA 10 DE XULLO DE 2015.**

No Salón de Sesiões da Casa do Concello de Ames, ás dezaseis horas e trinta minutos horas (16:30) do día 10 de xullo de 2015, reúnese o Pleno do Concello en sesión extraordinaria de primeira convocatoria, convocada ao efecto polo alcalde **José Manuel Miñones Conde**, en virtude das atribucións que lle confiren os artigos 21.1 da Lei 7/1985 de 2 de abril, Reguladora das Bases do Réxime Local (LRBRL) e 78 do Regulamento de Organización, Funcionamento e Réxime Xurídico das Entidades Locais, (ROF) e coa asistencia das/os señoras/os concelleiras/os seguintes:

Grupo municipal Popular	Santiago V. Amor Barreiro
	Alberto Piñeiro Rodríguez
	M ^a Oliva Agra Costoya
	Ana Ruso Valiña
Grupo municipal Socialista	José M. Miñones Conde
	Luisa Feijoo Montero
	José Blas García Piñeiro
	M ^a Isabel González Cancela
Grupo municipal Iniciativa Ciudadá- Ames Novo	M ^a Pilar Candocia Pita
	M ^a Jesús Bóo Feijóo
	Xaime Subiela Pérez
	Roberto Amarelle Garabán
Grupo municipal Contigo Pódesse	Genma Otero Uhía
	Catuxa García Mallo
	Silvia Dapena Liñares
Grupo municipal Pacto X Ames	Ramón García Argibay
	M ^a Dolores Fernández Álvarez
	María González Gómez
Grupo municipal BNG-Asembleas Abertas	David Santomil Mosquera
	M ^a Isabel Vaquero Quintela
Grupo municipal Ciudadanos - Partido da Cidadanía	Francisco J. López Suárez

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

Antes de dar comezo á orde do día, os voceiros dos grupos municipais queren facer constar o seu pesar polo recente pasamento do pai da concelleira Isabel González Canela, a cal aproveita para agradecer o cariño recibido dos concelleiros/as e dos traballadores/as do concello.

ORDE DO DÍA

A) PARA DAR CONTA

Punto Primeiro.- Constitución de grupos políticos municipais.

O señor alcalde **José Manuel Miñones Conde**, da comezo á sesión extraordinaria de pleno, saudando e dando a benvida a todos os membros da nova corporación.

Seguidamente da conta dos escritos de constitución dos sete grupos políticos que conforman a corporación municipal presentados en tempo e forma, sendo os grupos políticos municipais constituídos os seguintes: grupo municipal Popular, grupo municipal Socialista, grupo municipal Iniciativa Cidadá - Ames Novo, grupo municipal Pacto x Ames, grupo municipal Contigo Pódese, grupo municipal do BNG, e grupo municipal Cidadáns - Partido da cidadanía.

Punto Segundo.- Resolucións da Alcaldía en materia de nomeamento de tenentes de alcalde, membros de Xunta de Goberno Local, creación de concellerías delegadas e delegacións conferidas.

Polo señor alcalde, dáse conta das resolucións de Alcaldía 1053/2015, 1052/2015 e 1051/2015, de nomeamento de tenentes de alcalde, membros de Xunta de Goberno Local, creación de concellerías delegadas e delegacións conferidas, respectivamente.

B). PARA DELIBERACIÓN E ACORDO:

Punto Terceiro.- Aprobación da acta da sesión constitutiva da Corporación.

A acta da sesión constitutiva de 13 de xuño de 2015 queda pendente de aprobación aos efectos de incorporar os discursos realizados en dita sesión.

Punto Cuarto.- Periodicidade das sesións ordinarias do Pleno.

(.....)

En relación a este punto da orde do día, a concelleira Pilar Candocia Pita propón unha emenda consistente en que figure que a dotación económica por asistencia a pleno é de 110 euros por sesión. Sometida a votación esta emenda resulta aprobada por maioría absoluta do número legal de membros, coa abstención do concelleiro do grupo Ciudadanos e o voto favorable do resto dos concelleiros/as da Corporación municipal.

Rematadas as intervencións, o pleno da corporación, por unanimidade dos seus membros presentes, previa aceptación da emenda de Pilar Candocia Pita, adopta os seguintes acordos:

Primeiro. O pleno da corporación celebrará sesión ordinaria con periodicidade mensual, o último xoves de cada mes ás 20:30 horas. De coincidir festivo celebrase o primeiro día laborable seguinte (de luns de venres) á mesma hora.

A dotación económica por asistencia á sesión de pleno será de 110 euros por concelleiro/a.

A data concreta de celebración da sesión plenaria ordinaria correspondente ao mes de agosto determinarase, mediante consenso, previa reunión do alcalde cos voceiros dos demais grupos municipais.

O pleno desta corporación celebrará a súa primeira sesión ordinaria o vindeiro xoves día 30 de xullo de 2015, ás 20:30 horas.

Segundo. O presente acordo será publicado no Boletín Oficial da Provincia aos efectos legalmente establecidos e no taboleiro de anuncios da sede electrónica do Concello de Ames.

Punto Quinto.- Periodicidade das sesións ordinarias da Xunta de Goberno Local.

(.....)

Rematadas as intervencións, o pleno da corporación, por maioría absoluta do número legal de membros, ca abstención dos 4 concelleiros/as do grupo municipal Popular e o voto favorable dos 17 restantes membros da Corporación municipal, adopta os seguintes acordos:

Primeiro. A Xunta de Goberno Local celebrará sesión ordinaria semanalmente, no día e hora fixado pola Alcaldía mediante decreto 977/2015 (xoves ás 9:00 horas). De coincidir festivo, a sesión ordinaria celebrarase o primeiro día laborable seguinte (de luns de venres), á mesma hora.

Segundo. A dotación económica por asistencia á Xunta de Goberno Local será de 50 euros por concelleiro/a. De celebrarse mais dunha sesión no mesmo día soamente percibirase unha única asistencia.

Terceiro. O acordo de periodicidade das sesións ordinarias de Xunta de Goberno Local, será publicado no Boletín Oficial da Provincia aos efectos legalmente establecidos así como no taboleiro de anuncios da sede electrónica do Concello de Ames.

Punto Sexto.- Creación e composición de Comisións Informativas Permanentes.

(.....)

En relación a este punto da orde do día, a concelleira de Ames Novo, Pilar Candocia Pita solicita a creación dunha comisión de traballo permanente de desafiuzamentos e emerxencia social, coa mesma filosofía do anterior mandato.

O alcalde lle resposta que a creación desa comisión de traballo non corresponde neste punto da orde do día que é de creación de comisións informativas permanentes cuxo obxecto é ditaminar os asuntos de competencia plenaria, pero amosa o seu compromiso de cara a súa creación.

Rematadas as intervencións, o pleno da corporación, por unanimidade dos seus membros presentes adopta os seguintes acordos:

Primeiro. Crear as Comisións Informativas Permanentes que a continuación se indican:

Comisión Informativa permanente de Educación, Cultura, Patrimonio, Deporte, Voluntariado e Participación Veciñal.

Comisión Informativa permanente de Urbanismo, Vivenda, Infraestruturas, Parques e Xardíns, Transporte, Mobilidade e Medio Ambiente.

Comisión Informativa permanente de Persoal, Servizos, Reforma Administrativa, Comunicación, Transparencia e Seguridade Cidadá.

Comisión Informativa permanente de Servizos Sociais, Emprego, Sanidade, Igualdade e Mocidade.

Comisión Informativa permanente de Economía e Facenda, Promoción Económica,

Comercio e Especial de Contas.

Segundo. A composición de tódalas Comisións Informativas permanentes será de 1 concelleiro/a por cada grupo municipal, aplicándose o sistema de voto ponderado previsto no artigo 66 da LALGA.

O alcalde é o presidente nato de todas as Comisións Informativas permanentes, porén a presidencia efectiva poderá delegarse en calquera membro da corporación a proposta da propia comisión, tras a correspondente elección efectuada no seu seno.

Terceiro. As sesións ordinarias das comisións informativas permanentes terán a mesma periodicidade que as sesións ordinarias de pleno, celebrándose os venres anteriores á celebración do pleno ordinario. De coincidir festivo celebrarase o primeiro día laborable seguinte (de luns de venres).

Cuarto. A remuneración económica por asistencia ás comisións informativas será de 50 euros por concelleiro/a. De celebrarse mais dunha comisión informativa permanente no mesmo día, soamente percibirase unha única asistencia.

Quinto. De conformidade co artigo 125 do ROF a adscrición concreta a cada comisión dos membros da corporación que deban formar parte da mesma en representación de cada grupo, realizarase mediante escrito do/a voceiro/a do mesmo, dirixido ao alcalde do que se dará conta ao pleno. Poderá designarse de igual forma un suplente por cada titular.

O acordo de creación, composición e funcionamento das comisións informativas permanentes, será publicado no Boletín Oficial da Provincia aos efectos legalmente establecidos así como no taboleiro de anuncios da sede electrónica do Concello de Ames.

Punto Sétimo.- Nomeamento de representantes da Corporación en órganos colexiados competencia de Pleno.

(.....)

Rematadas as intervencións, o pleno da corporación, por maioría absoluta do número legal de membros, ca abstención dos 4 concelleiros/as do grupo municipal Popular e o voto favorable dos 17 restantes membros da Corporación municipal, adopta os seguintes acordos:

Primeiro. Nomear como representante desta corporación na Mancomunidad de Municipios de Santiago de Compostela ao alcalde-presidente do Concello de Ames, podendo delegar en calquera dos membros do goberno municipal.

Segundo. Nomear como representante desta corporación no Padroado da Fundación Comarcal de Santiago de Compostela ao alcalde do Concello de Ames, podendo delegar en calquera dos membros do goberno municipal.

Terceiro. Nomear como representante desta corporación no Consorcio Galego de Servizos de Igualdade e Benestar ao alcalde do Concello de Ames, podendo delegar en calquera dos membros do goberno municipal.

Punto Oitavo.- Dotación de medios en favor dos grupos políticos.

(.....)

En relación a este punto da orde do día, a concelleira de Ames Novo, Pilar Candocia Pita, solicita que quede enriba da mesa.

Sometida a votación a súa proposta, resulta rexeitada por 8 votos a favor, 9 e contra e 4 abstencións. Os 8 votos a favor de que o asunto quede enriba da mesa corresponden aos seguintes concelleiros/as: 4 concelleiros/as de Ames Novo e 4 concelleiros /as do grupo municipal Popular. Os 9 votos en contra corresponden aos 4 concelleiros/as do grupo municipal Socialista, aos 3 concelleiros/as do grupo municipal

Contido Pódese, e aos 2 concelleiros/as do grupo municipal BNG. As 4 abstencións corresponden aos 3 concelleiros de Pacto X Ames e ao concelleiro de Ciudadanos.

O concelleiro e voceiro do grupo Ciudadanos manifesta que renuncia a ter local propio e auxiliar administrativo de grupo e fai a seguinte declaración que solicita que conste na acta da sesión: *Invito ao resto de partidos da oposición que se sumen a esta iniciativa. E trasladar que eses 9.749,18 €, dotados para a contratación de un auxiliar administrativo a media xornada, se destinen a asuntos máis necesarios e urxentes no noso concello, e por iso nos gustaría que, na medida do posible, ese diñeiro dos amienses fora destinado á dotación de material para o IES Milladoiro que tanto o necesita.*”

A continuación, se somete a votación a proposta da Alcaldía en relación a este punto da orde do día, coa modificación consistente en que o concelleiro do grupo Ciudadanos, Francisco Javier López Suárez, renuncia a ter local propio e auxiliar administrativo de grupo.

O pleno da corporación, por maioría absoluta do número legal de membros, cos 12 votos a favor dos 4 concelleiros/as do grupo municipal socialista, dos 3 concelleiros/as do grupo municipal Contigo Pódese, dos 2 concelleiros/as do grupo municipal do BNG, do 3 concelleiros/as dos grupo municipal Pacto X Ames, e os 9 votos en contra dos 4 concelleiros/as do grupo municipal popular, dos 4 concelleiros/as do grupo municipal Ames Novo e do concelleiro do grupo municipal Ciudadanos, adopta os seguintes acordos:

Primeiro. Asignar aos grupos municipais da oposición, Popular, Ames Novo, e Pacto X Ames, un local nas inmediacións da casa consistorial que disporá de mobiliario, ordenador, fotocopiadora, liña telefónica e conexión a internet.

Segundo. Asignar a cada grupo municipal unha achega económica que constará de dúas variables, unha fixa de 100 euros mensuais e outra variable de 75 euros por cada membro, tamén mensual.

Terceiro. Asignar aos grupos municipais da oposición, Popular, Ames Novo, e Pacto X Ames, un persoal eventual de confianza, categoría profesional de auxiliar administrativo/a. Dito persoal, proposto por cada grupo, será a xornada completa cunha retribución bruta anual de 19.498,36 euros.

Cuarto. Os acordos que anteceden faranse efectivos o antes posible; no caso concreto do persoal eventual, con efectos de 1 de agosto de 2015. Os acordos se publicarán no Boletín Oficial da Provincia nos termos legalmente previstos e no taboleiro de anuncios da sede electrónica do concello de Ames.

Punto Noveno.- Creación de postos de traballo de persoal eventual de confianza.

(.....)

En relación a este punto da orde do día, a concelleira de Ames Novo, Pilar Candocia Pita, solicita que quede enriba da mesa .

Sometida a votación a súa proposta, resulta rexeitada por 8 votos a favor, 9 e contra e 4 abstencións. Os 8 votos a favor de que o asunto quede enriba da mesa corresponden aos seguintes concelleiros: 4 concelleiros/as de Ames Novo e 4 concelleiros /as do grupo municipal Popular. Os 9 votos en contra corresponden aos 4 concelleiros/as do grupo municipal Socialista, aos 3 concelleiros/as do grupo municipal Contido Pódese, e aos 2 concelleiros/as do grupo municipal BNG. As 4 abstencións

corresponden aos 3 concelleiros de Pacto X Ames e ao concelleiro de Ciudadanos.

A continuación se somete a votación a proposta da Alcaldía en relación a este punto da orde do día.

O pleno da corporación, por maioría simple do número legal de membros, cos 9 votos a favor dos 4 concelleiros/as do grupo municipal Socialista, dos 3 concelleiros/as do grupo municipal Contigo Pódese e dos 2 concelleiros/as do grupo municipal do BNG, e os 5 votos en contra dos 4 concelleiros/as do grupo municipal Ames Novo e do concelleiro do grupo municipal Ciudadanos, e a abstención dos 4 concelleiros/as do grupo municipal Popular e dos 3 concelleiros/as do grupo municipal Pacto X Ames, adopta os seguintes acordos:

Primeiro. Crear os seguintes postos de persoal eventual:

Denominación do posto: Administrativo/a de Gabinete da Alcaldía. **Número de postos:** 1

Características: Cargo de confianza da Alcaldía a quen lle corresponde o seu nomeamento e cese. Cesará automaticamente cando cese a autoridade que procedeu ao seu nomeamento.

A súa función será asistir ao alcalde no desenvolvemento de todas as funcións propias do ámbito das súas responsabilidades, e ao resto do equipo de goberno cando así o determine a Alcaldía.

A xornada laboral será a ordinaria do resto do persoal municipal, sen prexuízo da súa especial dispoñibilidade, segundo as necesidades da Alcaldía.

Retribucións: 26.018,86 euros brutos anuais. Ditas retribucións percibiranse en catorce pagas anuais, doce ordinarias e dúas extraordinarias, en xuño e decembro, polo mesmo importe.

Denominación do posto: Auxiliar/administrativo/a de Gabinete da Alcaldía. **Número de postos:** 1

Características: Cargo de confianza da Alcaldía a quen lle corresponde o seu nomeamento e cese. Cesará automaticamente cando cese a autoridade que procedeu ao seu nomeamento.

As súas funcións serán asistir ao alcalde e ao goberno, no desenvolvemento de todas as funcións propias do ámbito das súas responsabilidades.

A xornada laboral será a ordinaria do resto do persoal municipal, sen prexuízo das súa especial dispoñibilidade segundo as necesidades do alcalde e do Goberno.

Retribucións: 19.498,36 euros brutos anuais. Ditas retribucións percibiranse en catorce pagas anuais, doce ordinarias e dúas extraordinarias en xuño e decembro polo mesmo importe.

Segundo.- Cumprimentados todos os trámites previstos na lexislación, publicarase o nomeamento do persoal eventual no Boletín Oficial da Provincia, onde tamén figurará o seu réxime de retribucións e a súa dedicación, en cumprimento do previsto no artigo 104.3 da LRBRL. Tamén publicarase un anuncio no taboleiro da sede electrónica do concello de Ames.

Punto Décimo.- Asignación de dedicacións exclusivas e parciais.

(.....)

En relación a este punto da orde do día, a concelleira de Ames Novo, Pilar Candocia Pita, solicita que quede enriba da mesa .

Sometida a votación a súa proposta, resulta rexeitada por 8 votos a favor, 9 e contra e 4 abstencións. Os 8 votos a favor de que o asunto quede enriba da mesa

corresponden aos seguintes concelleiros: 4 concelleiros/as de Ames Novo e 4 concelleiros/as do grupo municipal Popular. Os 9 votos en contra corresponden aos 4 concelleiros/as do grupo municipal Socialista, aos 3 concelleiros/as do grupo municipal Contido Pódese, e aos 2 concelleiros/as do grupo municipal BNG. As 4 abstencións corresponden aos 3 concelleiros de Pacto X Ames e ao concelleiro de Ciudadanos.

A continuación se somete a votación a proposta da Alcaldía en relación a este punto da orde do día

En primeira votación o resultado é de empate, obtendo 9 votos a favor, 9 votos en contra e 3 abstencións. Os 9 votos a favor corresponden aos 4 concelleiros/as do grupo municipal Socialista, aos 3 concelleiros do grupo municipal contigo Pódese e aos 2 concelleiros/as do grupo municipal do BNG. Os 9 votos en contra corresponde aos 4 concelleiros/as do grupo municipal Popular, aos 4 concelleiros/as do grupo municipal Ames Novo e ao concelleiro do grupo municipal Ciudadanos. As 3 abstencións corresponden aos 3 concelleiros/as do grupo municipal Pacto X Ames.

Producido o empate se repite a votación que ofrece o mesmo resultado. Por aplicación do artigo 100 do ROF, decide o voto de calidade do alcalde, adoptándose por maioría simple os seguintes acordos:

Primeiro.- Aprobar a dedicación exclusiva para o cargo de **alcalde**, cunha retribución bruta anual de 49.716,66 euros (ou ben a que se contemple en cada orzamento). Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos ocasionados polo exercicio do seu cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Segundo.- Aprobar a dedicación exclusiva para o cargo de **primeiro/a tenente de alcalde** cunha retribución bruta anual de 37.287,50 euros (ou ben a que se contemple en cada orzamento). Dita retribución equivale ao 75% das retribucións brutas de Alcaldía. Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos ocasionados polo exercicio do seu cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Terceiro.- Aprobar a dedicación exclusiva para o cargo de **segundo/a tenente de alcalde** cunha retribución bruta anual de 37.287,50 euros (ou ben a que se contemple en cada orzamento). Dita retribución equivale ao 75% das retribucións brutas de Alcaldía. Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos ocasionados polo exercicio do cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Cuarto.- Aprobar a dedicación exclusiva para o concelleiro responsable da **concellería delegada de Urbanismo, Obras Públicas e Servizos Básicos**, cunha retribución bruta anual de 37.287,50 euros (ou ben a que se contemple en cada orzamento). Dita retribución equivale ao 75% das retribucións brutas de Alcaldía. Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos

ocasionados polo exercicio do seu cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Quinto.- Aprobar a dedicación parcial que implicará dedicación preferente ás tarefas propias do cargo, cunha dedicación mínima de 30 horas semanais, para o/a concelleiro/a responsable da **concellería delegada de Sanidade, Servizos Sociais e Igualdade**, cunha retribución bruta anual de 27.344,16 euros (ou ben a que se contemple en cada orzamento). Dita retribución equivale ao 55% das retribucións brutas de Alcaldía. Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos ocasionados polo exercicio do cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Sexto.- Aprobar a dedicación parcial que implicará dedicación preferente ás tarefas propias do cargo, cunha dedicación mínima de 30 horas semanais, para o/a concelleiro/a responsable da **concellería delegada de Medio Ambiente e Desenvolvemento Sostible** cunha retribución bruta anual de 27.344,16 euros (ou ben a que se contemple en cada orzamento). Dita retribución equivale ao 55% das retribucións brutas de Alcaldía. Non poderá percibir asistencias pola concorrencia efectiva ás sesións dos órganos colexiados de que formen parte, pero si percibir indemnizacións polos gastos ocasionados polo exercicio do cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Sexta .- Aprobar a dedicación parcial que implicará dedicación preferente ás tarefas propias do cargo, cunha dedicación mínima de 30 horas semanais, para o/a concelleiro/a responsable da **concellería delegada de Participación e Atención Veciñal, e Promoción Económica**, cunha retribución bruta anual de 27.344,16 euros (ou ben a que se contemple en cada orzamento). Dita retribución equivale ao 55% das retribucións brutas de Alcaldía Non poderá percibir asistencias pola concorrencia efectiva ás sesións dos órganos colexiados de que formen parte, pero poderá percibir indemnizacións polos gastos ocasionados polo exercicio do seu cargo, cando sexan efectivos e previa xustificación dos mesmos. As retribucións percibiranse en catorce pagas anuais, doce ordinarias e dúas extraordinarias en xuño e decembro, polo mesmo importe.

Sétima.- Solicitar ante a Tesouraría Xeral da Seguridade Social a alta dos membros da Corporación con dedicación exclusiva ou parcial relacionados nos puntos anteriores, con efectos de 15 de xullo de 2015, asumindo o Concello as obrigas que as normas de réxime xeral da seguridade social impoñen ás empresas en relación aos traballadores ao seu servizo, asumindo o pago das cotas empresariais que correspondan ao Concello en virtude destes acordos.

Cuarto.- Publicar os acordos sobre o réxime de dedicacións no Boletín Oficial da Provincia e no taboleiro de anuncios da sede electrónica do concello de Ames.

E non habendo mais asuntos que tratar, o señor alcalde presidente deu por rematado o acto e levantou a sesión ás dezanove horas e e quince minutos (19:15) do día 10 de xullo de 2015, de todo o que eu, como secretaria, certifico.

Visto e prace

A secretaria

O alcalde